

ergo *Anglus*. Floruit in confinio Sec. XIII. et XIV. gnauus *Scoti* ἡπερασπιστης, unde inter XIV. Doctores O. M. circa ejus sepulcrum *Coloniae* nomen aeri incisum habet. Scripsisse eum in IV. *Sententiarum Libros* ex *Pitseo* etiam *Tannerus* in *Bibl. Brit. Hib.* testatur, quanquam rarissima debeant esse Operis nostri *Exempla*. Ad calcem adscribitur est difficili manu aliquarum *Quaestionum Supplementum*.

V. fol. 288. sequitur *Lectura* in IV. *Sententiar.* hoc ingressu: *Circa principium quarti queritur primo utrum in sacramentis noue legis sit aliqua virtus etiam influxiva ad causandum &c.* et fine: *penarum inequalitas predictis correspondens.* Adjecit Scriptor: *Expleto quarto salutem fratri.* Item: *Istius opusculi non fuit mencio facta. sed plus vere vellem seruire deo.* Quasi querentis, non respondere favorem quaesitum meritis, et scribendi pertaesi.

CCCCLXXXVI.

U. 429 Codex membraneus lat. Sec. XIV. Folior. 120. f. per duas columnas exaratus, rubricis distinctus et olim a *Petro de Mautarn* Plebano in *Meigen Austr.* infer. pago Academiae oblatus aliud est *Exemplar Johannis Duns* seu *Scoti* in *L. I. et II. Sententiarum*, quorum hic fol. 75. p. 2. incipit. Uterque adjunctum habet *Quaestionum Elenchum*, sed utriusque phrasis non raro ab *Editis* variat.

CCCCLXXXVII.

Codex membraneus lat. Sec. U. 428 XIV. Folior. 98. f. maj. per duas columnas exaratus, coloribus distinctus, et unus illorum 17. quos teste *Nota praeuia M. Andreas de Weytra T. D.* et *S. Stephani Canonicus ad Librariam Collegij ducalis inter viuos* donavit, aliud est *Exemplar Johannis Scoti in L. I. Sententiarum* integrum, sed absque *Quaestionum Elencho*.

II. fol. 93. p. 2. *Tractatus* adjectus est *de vero Esse*, qui ita ingreditur: *Primum rerum principium me ea credere sapere ac proferre concedat que ipsius placeant magestati et ad eius contemplationem eleuent mentes uestras &c.* Extrema pagina, quae fortasse nomen *Autoris* referebat, penitus extrita est. *Thecam anticam* vestit *Membrana* quaedam *Rabbinica* per duas columnas eleganter scripta, cujus *Rubrica* integra incipit: *החוא אפוטרופא דהורה בשככותיה דר' יהושוע בין לוי &c.*

CCCCLXXXVIII.

Codex membraneus lat. Sec. U. 432 XIV. Folior. 139. f. per duas columnas multis compendiis, quam labem *Scholasticarum* aetas intulit, exaratus et coloribus distinctus ita ad calcem subscribitur: *Explicit reportatio super primum sententiarum sub magistro iohanne scoto. et examinata cum eodem uenerando doctore.* Initium est: *Circa prologum libri sententiarum pri-*

primo queritur. utrum deus sub propria ratione deitatis possit esse subiectum alicuius scientie &c. ut Cod. primo Operum Scoti, sed per decursum in ipso etiam *Quaestionum Elencho* saltem phrasis ab illo *Exemplo* passim differt, ut adeo praefens hoc ex eorum *Subpositiorum* numero esse videatur, de quibus conqueritur *Waddingus* in *Censura* T. XI. P. 1. edit. saepe cit. praemissa, id, quod etiam *Clausulae adlatae* verba perpendiculari facile subolebit. *Fol.* 125. p. 2. adscriptae sunt ex *Opere Oxoniensi* IV. *Quaestiones Prologi.*

CCCCLXXXIX.

U. 434 Codex membraneus lat. Sec. XIV. Folior. 128. f. per duas columnas exaratus et rubro distinctus est ejusdem *Joh. Scoti* Scriptum in *Librum III. Sententiarum* hoc initio: *Circa incarnationem domini. primo de possibilitate utrum possibile fuerit naturam humanam uniri deo in unitate persone* &c. ut edit. cit. T. VII. Finis paulo aliter: *Jugum meum suave et onus meum leve. cui sit honor et gloria per infinita seculorum secula. Amen. Explicit tercius ordinarij super sententias editus a venerabili fratre Johanne scoto sacre theologie doctore.*

II. fol. 87. ventilantur primum hae *Quaestiones*: *Vtrum ex unione humane nature ad uerbum inascatur generalis communicatio ydiomatum? Vtrum in christo sit aliquid esse aliud ab esse increato? Si*

*adam non peccasset, christus incarnatus fuisset? Et haec quidem abrupta. Succedit alia: Vtrum theologus catholicus in theologicis sufficienter instructus possit articulum trinitatis defendere contra emulum ueritatis? et haec inscripta Francisci Maronis. Dein Tractatus Magistri francisci de Maronis de uirtutibus moralibus, cujus initium: *Auditu aurium audiuite* &c. *Tractatus de medio uirtutum: In medio platee ciuitatis lignum uite* &c. *De uirtutibus intellectualibus: Intellectus bonus omnibus facientibus eum* &c. *De uirtutibus cardinalibus: Circa cardines celi perambulat* &c. *De uirtutibus theologicis: Domine uirtutum quis similis tibi* &c. *Tractatus de uoluntaria et involuntario: Voluntario oris beneplacita* &c. *Tractatus de circumstantijs uirtutum: Circumdate syon et complectimini eam* &c. *Tractatus de regulis sacre scripture: Iustus dominus et iustitias dilexit* &c. Post hos VIII. *Tractatulos* reditur ad *Quaestiones*: *Utrum in humanitate christi sit aliqua perfectior entitas eius anima rationali? Utrum corpus christi quod fuit formatum ex purissimis sanguinibus beate uirginis fuit simpliciter a uerbo assumptum? Utrum anima christi intelligat omnia in uerbo que intelligit uerbum? Omnia haec auctora, et Francisci Maronis, Mayronii, Majorani ex O. M. Doctoris dicti *Illuminati, Galli*, ut alibi dixi, et a. 1325. extincti habeo, qui teste *Waddingo, Oudino et Fabricio et Quaestiones theologicas* M D.**